



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Capvt XVII. De delitijs quas invenit anima, in corde Jesu Christi crucifixi.

[urn:nbn:de:hbz:466:1-47123](#)

vatoris gestis consecrata essent, postremò ad Calvariæ mon-
tem, & crucis Dominicæ locum venisse. Hic verè rerum,
qua inibi gestæ essent, memoriā, graviter ingemiscentem,
in has voces cum clamore valido & lacrymis erupisse: *Quid
tibi benignissime Domine, quid inquam tibi Christe retribuam,
pro omnibus, qua prius amator amabilis mibi mirabiliter tri-
buisti? Vidi prius loca, in quibus natus, & inter homines con-
versatus, doctrinam Evangelicam predicasti, & Deitatis tuæ
indicia per miracula demonstrasti; & quidem ob amorem &
reverentiam tui, sincero corde complexus sum. Hunc verò lo-
cam passionis & mortis tuæ aquo animo videre non possum, ubi
clavis crucifigi, terebrari lanceâ, & animam pro nobis tradere
voluisti. Hec ut beatus ille peroravit, exclamans, ruptis vita-
libus cordis venis, spiritum exhalavit. Ita Cantipratanus:
proflus consentaneè ijs, qua sub idem tempus S. Bonaven-
tura scripsit de sua Philomela.*

Cui etiam affine quiddam de B. Henrici Susonis ma-
tre, in ipsius Susonis vita legimus.

Vit. c. 45.

Confirmatq; Joannes Thaulerus, aliquos præ amore,
Dei rupto corde animam fundere: immò esse compertum, serm. 1. Dō:
plures eo leti genere extinctos esse. Adfertur denique à S. post off. Epiph.
Bernardino Senensi dulcissima sanè S. Francisci precatio; tom. 2. ser.
quam (sive de ista felici morte, sive de alia non minùs preti-
osa accipiatur, quâ spiritualiter nobis mortui, soli Christo
vivamus) juvabit hic ad usum apponere: *Absorbeat, queso
Domine J E S U, mentem meam ignita & melliflua vis amoris
tui, ab omnibus qua sub cœlo sunt, ut amore amoris tui moriar,
qui amore amoris nostri dignatus es in ligno crucis mori.*

CAPUT XVII.

*De delicis quas invenit anima, in corde J. E. S. V.
Christi Crucifixi.*

Quan-

Quantis, quámq; sinceris, ijsq; omnem, non sermo-
nem modò, sed sensum etiam aut cogitationem hu-
manam exsuperantibus delicijs, redundet cor Christi cruci-
fixi, expertæ nōrunt felices illæ mentes, quæ à rebus abdu-
ctæ mortalibus, divinum illud cor devotæ contemplatione
subintrant; in eōq; non modò diversari atq; morati, sed etiā
affiduè habitare, ac velut in centro votorum suorum con-
quiescere amant. At quando non omnibus compertæ sunt
illæ, quas memoramus, in corde Christi vulnerato conclu-
sæ deliciæ: neque enim omnes, eorum etiam qui vitam fe-
stantur spiritalem, palatum cordis usque èo purgatum ha-
bent, ut earum divinum saporem, & in intimo quasi re-
cessu reconditam suavitatem, percipere valeant; opera præ-
tium erit hoc loco, quarundam sanctarum animarum, quæ ad tanta bona degustanda non semel admittæ sunt, experi-
mentum appellare, earumq; super ijs sensum ac judicium,
exquirere. Quo illud in primis efficiatur, ut earum re-
rum inexperti, aliorum saltē qui eas gustarint sensu cogni-
to, ea quæ de tam divina suavitate dicuntur, incredibilis
non existimant; tum ut ijs sensim earundem deliciarum cu-
piditate incitetur animus; simulq; paretur gustatus cordis,
ad eas, si Deus donārit, experiendas atque fruendas.

§. I.

*Testimonia S. Gertrudis, S. Bonaventura, &
eiusdem p̄i Scriptoris.*

Prima testimonium dicat S. Gertrudis in suis divinis insi-
nuationibus: cujus ego verba cùm per se posita primùm
legerem, illam existimavi de cœlesti gloria, aut aeterno bea-
torum domicilio ea dicere, quæ postea de Christi pectore,
purarum mentium suavissimâ & delicatissimâ mansione, ab
ea dicta esse deprehendi. Nimirum animæ Deum amanti,
& adhuc in ista solitudine peregrinanti, Crucifixi cor pro-

Para-

Paradiso est: quia, ut itidem testatur Lætiensis Abbas: *Qui os anima sue patulo lateri ejus convenienter admoveare, ibi q̄ commonari, & ad intima cordis illius pertingere novit, is utique vinum vīta eterna degustat, & perfectum habet; quām amēna Paradīsus sit JESUS.* Verū audiamus illam Christi dilectam divini cordis suavitatem, quām mollissimē potest & exaggeratissimē explicare satagentem.

O (inquit) eternale solstitium, mansio secura, locus totum *L. 2. c. 8.*
continens quod delectat, paradisus perennium deliciarum, praeterflens rīsus inestimabilium voluptatum, alliciens florigerā vernantia omnigenarum amanitatum, demulcens suavijono,
immō suaviter afficieni melodiā, intellectualium musicorum,
reficiens odoriferō spiramine vitalium aromatum, inebrians resolventi dulcedine internorum saporum, immutans mirā blanditiae secretorum amplexuum. O ter felix, quatēq; beatus,
& (si dici potest) centupliciter sanctus, qui gratiā ducētrice permotus, innocens manibus & mundo corde, purisq; labijs, illuc meruit appropinquare, ubi dilecto suo intimē valet uniri & incorporari. o quid videt, quid audit, quid olfacit, quid gustat, quid sentit! Hactenus S. Gertrudis, cunctas in unum coacervans blanditias, voluptatum formas, nomina ac genera deliciarum. Quid illa, amabo, diceret amplius, si rapta usque ad tertium cœlum, & apertā DEI visione dignata, beatarum mentium delicias, torrentem illum voluptatis, in ipso divinitatis corde gustasset? At illa gaudia jam percipiebat in corde Christi, & superinfundente se divinæ suavitatis copiā, ita non dico delibuta, sed capta, commota, inebriata dulcedine est; ut cūm summa omnia de suis delicis dixerit, quidquid tamen efferat, eo quod experitur, minus putet.

O anima, ingredere & tu, quoad licet, in amēnam paradisum pectoris Christi, in ardētem pulchri amoris officinam, in apothecam cœlestium gratiarum. Ingredere cum.

cum amore & fiducia: haec siquidem sunt veluti claves istius
cellæ vinariae, in qua cœli mustum ebullit atque exundat:
quo semel libato ac degustato, desipient profecto cetera,
comperiēsq; nihil uspiam esse dulcius, quam in corde Christi
crucifixi assidue commorari, ejusdem inebriari sanguine,
pasci vulneribus, ejus denique opprobria summam gloriam,
dolores summas delicias computare. Sed pergamus nunc
alterum testem producere.

Alter testis sit Seraphicus Doctor S. Bonaventura: qui
cum aliquando (uti jam suprà memoratum est) arcana quidam
ratione amantissima Christi vulnera subintrasset, do-
mumq; ad intima viscera charitatis ejus pervenisset, tanti
istic affectus & completus est dulcedie, quantum se sen-
get exprimere posse dicendo. Quapropter ingemiscen-
t. P. 1. stim. c. clamat: O cœcitas filiorum Adæ, qui per hæc vulnera in Chri-
stum nesciunt introire! supra vires sua laborant in vanum:
& aperta sunt ostia ad quietem. An ignoratis (subdit) quid
Christus est gaudium beatorum? cur ergo tardatis per sui cor-
poris foramina in gaudium illud introire? Deinde ut hunc
quoque videoas in Christi corde paradisum invenisse: Ecce
inquit, aperta est janua paradisi; & par lanceam militis, gla-
dius versatilis est amotus. Ecce apertus est thesaurus divina
sapientia & charitatis æterna. Intra ergo per vulnerum ap-
turem, & cum cognitione magnas delicias obtinebis. Quia
rursus delicias tantas esse confirmat, ut ad extremum vere-
tur, & cavendum admoneat, ne qui in Christi passione ac
vulneribus commeditandis se exercet, id faciat frienda
istius dulcedinis gratia, & non potius (uti par esset) ut sui
conditoris beneficia recognoscens, magis ac magis in ejus
accendatur amorem.

P. 2. stim. c. Idem alio in loco divino amore colliquescens, & ijs
absorptus delicijs, quas degustaverat in corde Christi vul-
nerati: O felix amor (exclamat) qui nos facis languidos. *Non
nostris*

nostri amplexibus sustentari! ô desiderabilis amor, qui summis delicijs repletus egentes! sed si liquefacta es ad verbum ejus, ô anima, quomodo sustines amplexus ejus? quomodo non es consumpta ad oscula ejus? si liquefacta es ad assatum ejus; quomodo non es absorpta, cum intras per vulnera, & pervenis ad corpus? Hæc S. Bonaventura.

Ludovicus Bloius in farragine utilissimarum Institutionum, ex scriptis potissimum Joannis Rusbrochij decerpsum, invitans nos, ut Christo dilecto nostro liberali corde totum demus quod sumus, quod habemus, & quod possimus; ita enim fore, ut ille vicissim nobis donet quidquid est, habet & potest; quâ die nulla nobis unquam lætior luxerit: Nam patescat (inquit) tibi gloriosum atque amantisimum corpus tuum, patescat intima anima sue penetratia, plena glorie, gratia, gaudij ac fidelitatis. Patulum lateris ejus vulnera, porta tibi erit & introitus in vitalem (qui ipse est) paradisum, ubi fructum gustabis vite æterne. Nam Christus vitalis noster paradisus est: quandoquidem in ipso & ex ipso sempiternus salutis fons emanat, atque ex ipsis vulneribus balsamum fluit, morborum omnium medicina. Et paulò post: Ceterum in immitiis Domini JESU, mellis manant flumina, omni (qui quidem ex cogitari posse) sapore ac suavitate dulciora: in quæ si tibi datum erit ingredi, eaque gustare ac sentire, nullo negotio mundum, te ipsam, & omnia vinces. Sic ille.

§. 2.

Testimonia S. Bernardi, Guilielmi Abbatis, & B. Petri de Alcantara.

AT S. Bernardus in libro de Passione Domini, cordis Christi mentione injectâ, ista subdit inter cætera: Sed cap: 3. quia semel venimus ad cor dulcissimum JESU, & bonum est nos hic esse, non sinamus nos facile avelli ab eo, de quo scriptum est: Recedentes a te, in terra scribentur. Accedamus ergo ad te, & exul-

exultabimus & letabimur in te, memores cordis tui. ô quam bonum est, & quam jucundum, habitare in corde hoc! Emox: Ad hoc templum, ad bac sancta sanctorum, ad hanc eam testamenti, adorabo & laudabo nomen Domini. Postea autem: ô omnium pulcherrime (inquit) & speciosissime IESU, amplius lava me ab iniestate mea: ut purificatus per te, ad purissimum possim accedere, & in corde tuo omnibus diebus vita mea merear habitare. Ad hoc enim perfonatum est latus tuus, ut omnibus patefacat introitus. Ad hoc vulneratum est cor tuum, ut in illo & in te, ab exterioribus perturbationibus absoluti, habitare possimus. Nibilominus & propreterea vulneratum est, ut per vulnus visibile, vulnus amoris invisibile videamus. Vide plura ibidem.

Audiatur & Bernardi æqualis Guilielmus Abbas Sancti Theodorici, quodam loco sic J E S U M alloquens: Quod autem Domine trahis eos quos amplecteris, nisi ad cor tuum? Cor tuum dulce est illud manna divinitatis tuae, quod invictabes, ô I E S U, in urna aurea supersapientie anima tua. Beati, quos ad eam tuus trahit amplexus! Beati, qui in abscondito absconditi illius abscondisti, in medio cordutus; ut scapula tuis obumbrantur à conturbatione hominum: ne habeant spem, nisi sub pennis tuis protegentibus & foventibus! Scapula enim virtutis tuae obumbrantur, qui in abscondito cordi tui absconduntur, suaviter dormientes, & dulci expectatione latentes. Unde etiam alibi de hoc ipso agens, exclamat hunc modum: Si te ostium invenio apertum, ingredior; & bene mibi est, quamdiu licet. ô si videobo! ô si dubio! ô si sanguinem aliquando audiero: Intra in gaudium Domini tui! ut sic introeam, & ultro non exeam.

Postremo loco juvat audire B. Petrum de Alcantara, ex Ordine S. Francisci, virum in rebus ejusmodi diligenter exercitatum. Is igitur in aperto Christi latere commorari solitus, in cœgi miras & inexplicabiles deprehendens suavitatem

tates; ut eas nobis partim adumbret, omnes similitudinum amenitatis accersit, rerumq; ac vorum illecebras, in hunc ferè modum erumpens in quadam sua de vulnere lanceæ meditatione. *Exivit, inquit, sanguis & aqua ad mundi peccata sananda. O fluvius egrediens de paradyso, ad irrigandam universam superficiem terra! o pretiosissimum vulnerum, quod amoris potius cauterio, quam inimicæ lanceæ ferro apertum est!* porta cali, fenestra Paradiſi, locus quietis, turris fortitudinis, iustorum sanctuarium, nidus turturum sanctarum, sepultura peregrinorum, lectulus floridus Sponsæ Salomonis! *Salve divini lateris vulnera amabile, quo piorum corda sauciantur;* plaga iustorum mentes vulnerans; rosa miræ pulchritudinis, carbunculus valoris inestimabilis, aditus ad cor JESU, argumentum amoris ejus, & pignus vita sempiterne. Sic ibi.

Ex quibus omnibus licet h̄c obiter colligere: quanta sint in celo deposita gaudia Christum amantibus; quando tam ineffabilibus exundant lætitias, in sola contemplatione Dominicæ passionis. Nam si ea adest pijs mentibus gaudiorum ubertas in via; immo in exilio, in valle misericordie & lacrymarum: quid illis censemus reservari in patria? Si hæc in umbra, & quadam divina caligine: quid in luce & splendoribus sanctorum? Si ista in complexu crucis, quid experientur in ipso sinu divinitatis? Sed de his haec tenus.

CAPUT XVIII.

De delicijis animæ sanctæ, in corde Christi, una cum ipso epulantis.

§. I.

Cor Christi crucifixi, triclinium esse animarum sanctorum.

XII

Dice-